

Powšitkowne WOZJEWJENJA

jutrońčku, 17. apryla 2022

Wusyłanje Božich službow

Serbskorěčnu Božu mšu móža wěriwi tutu njedźelu, jutrońčku, 17. apryla, w 9 hodź. z Chróscic jako livestream scěhować. Boža mša jutry pónđzelu, 18. apryla, w 9 hodź. so tohorunja live z Chróscic přenjese. Linkaj na Božej mši stej w interneće pod www.posol.de a na wosadnej stronje podatej.

Kemše w rozhłosu

Serbski rozhłós přenjese dżakne křižerske kemše, wutoru, 19. apryla, z Róžanta. Započatk je w 19 hodź.

Modlenje w Róžeńće

Na modlenje swjateho rózowca a před Najswjećišim su wěriwi sobotu, 23. apryla, we 18 hodź. do Róžeńčanskeje hnadowneje cyrkwy přeprošeni. Pačerje budu so serbsce a němsce spěwać.

Požohnowanje motorskich

Popołdny z požohnowanjom motorskich zahaji so njedźelu, 1. meje, w 14 hodź. z nyšporom w Ralbičanskej cyrkwi. Přizamknje so zhromadny wulět.

Wodženje po parku

Smochčanske kubłanišćo swjateho Bena přeprošuje wšitkich zajimcow k wodženjam po hrodowym parku. Wobdźělnicy zhonja tójšto wo stawiznach a botanice areala z minjenych sydom lětstotkow. Něhdže połdrahodžinske wodženja wotměja so njedźelu, 24. apryla a 8. meje, sobotu, 11. junija, njedźelu, 28. awgusta, kaž tež sobotu 8. oktobra. Započatk je stajnje w 15 hodź. při studni před seminarnym domom. Za dorosćenych zběra so popłatk we wysokosći pjeć eurow. Kubłanišćo prosy wo přizjewjenja, a to telefonisce pod čisłom (03 59 35) 2 20 abo z mejlku na info@bg-schmochtitz.de. Za wodženja płaća hygieniske předpisy, kotraž su na internetowej stronje domu wozjewjene.

Na naprašowanju k Synodalnemu pućej so wobdźělić

Drježdžansko-Mišnjanske biskopstwo a Rada katolikow skićitej składnosć, so na Synodalnym puću swětoweje cyrkwy wobdźělić. Hač do pjatka, 22. apryla, móža wšitcy wěriwi na prašenja wotmołwić, kotraž počahuja so na Synodalny puć swětoweje cyrkwy. Wotpowědny naprašnik je pod www.posol.de wozjewjeny, a to tak, zo hodža so wotmołwy pak direktnje w interneće pak do dataje w formaće pdf zapodać, kotruž měli sej na swoim ličaku zawěsćić. We woběmaj padomaj móža so wotmołwy tež serbsce podać. Nichtó njetrjeba na wšitke prašenja reagować, ale móže sej jenož někotre wupytać. Wupjelnjenu dataju měli z mailku na adresu albrecht.voigt@bddmei.de pósłać.

Jězba w lěću za šulerjow 5. do 8. lětnika

Dekanatne dušepastyrstwo džěci přeprašuje šulerjow 5. do 8. lětnika w lětnich prózdninach na jězbu do Lückendorfa w Žitawskich horach. Wona wotměje so wot pónđzele do pjatka, 15. do 19. awgusta. Přizjewjenja přijimuja hač do soboty, 30. apryla, online. Link je pod www.posol.de podaty.